

PROMEMORIA POR L'EJAM DE LADIN (*aladô dl art. 12 dl D.P.R. 89/83 y dla Lege Provinziala 6/2015*)

La data dl ejam de ladin vëgn comunicada tres i media, tles direziuns dles scolines y dles scores y tl'université almanco 6 edemes denant. Cun la medema comunicaziun vëgnel ince lascé alsavëi le termin por mené ite la domanda.

Chi che é interessá a tó pert al ejam mëss fá domanda diretamënter **al'Intendënza y Cultura Ladina** adoran i formulars aposta che é da ciafé te vigni direziun y sön la plata web www.provinz.bz.it/ladinisches-schulamt/. Domandes tardies ne vëgn nia plü tutes en conscidraziun. L'Istitut cultural ladin "Micurá de Rù" mët a jí cursc de preparaziun por chi che ó dé jö chësc ejam. I candidat ametüs/les candidates ametüdes al ejam gnará avisá/avisades personalmënter en cunt dl de y dl post dla proa scritta.

La proa scritta consist tla trataziun de nia plü de 5 domandes cun resposta daverta. La comisciun d'ejam arjigna ca trëi proes y öna de chëstes vëgn trata fora ala niza dan les candidates/i candidat. La proa scritta döra 3 ores. Al ne pó nia gní consulté vocabolars o dizionars. Tla valutaziun dla proa scritta tëgn la comisciun cunt de chisc criteres:

- jí ite söles domandes metüdes dant
- coretëza gramaticala y ortografica
- coretëza sintatica
- competënza lessicala, cun n referimënt particular al setur pedagogich y formatif
- tlarëza y fluënza espositiva.

Por la valutaziun dla proa scritta pó la comisciun assegné cina 50 punc. Do la coreziun vëgnel publiché i resultat dla proa scritta.

La proa a usc s'orientëia a contignüs pedagogich-didatics y de cultura ladina en general. En particular vëgnel damané conescënzes en cunt dla genesa y dl svilup dl lingaz ladin, dla storia di ladins dles Dolomites, dla geografia dles valades ladines y dles desposiziuns iuridiches che regolëia le setur formatif y cultural ladin. Por la valutaziun dla proa orala vëgnel tigní cunt de chisc criteres:

- abilité tla comprenjiun y tl ascuté sö de tesć y tla letöra
- competënza lessicala
- coretëza dla sintassa
- coretëza gramaticala
- pronunzia coreta
- abilité tl'espresciun a usc.

Por la valutaziun dla proa scritta pó la comisciun assegné cina 50 punc.

L'ejam de ladin é passé sce la candidata/le candidat ciafa almanco 70 sön 100 punc. Chi che passa l'ejam ciafa atira dedô l'atestat.

Bibliografia aconsiada:

- **Cultura ladina**, dé fora dala Intendënza Ladina, Balsan, 2007 (secunda ediziun)
- **La scora ladina**, dé fora dal Comitè provincial por l'evaluaziun, Balsan, 2007
- Bepe Richebuono, **Picia storia di Ladins dles Dolomites**, dé fora dal Istitut cultural ladin "Micurá de Rù", San Martin de Tor, 1991